

La Quotidiana 24-4-2015, p. 22

17.25 CUNTRASTS SIN SRF 1

Autostop a l'Expo Milano (che non c'è)

Pir tar l'arrivada a Milaun constatescha il manischnunz da bus pensiunà oriund da la Sicilia: «L'expo ancora è chiuso! Lei perché deve andare a l'expo?» Natiralmain



cumenza l'exposiziun mundiala pir il matg. Per ils Cuntrasts è Martin Cantieni dentant già a Milaun la fin da mars, per autostop. Il viadi ha manà el da Cuir en l'Engiadina, tras il Puschlav e la Vuclina fin a Milaun. Durant quest viadi vegn l'autur tranter auter a savair ch'ina vatga svizra è actualmain surpajada per 400 francs, che San Murezzan è in bun lieu per planisaders dad installaziuns sanitaras, ch'il chor-baselgia da San Carlo fa sias emprovas la mesemna saira e ch'i deva ina fabrica da mangola a Neuägeri.

Il film «Autostop a l'Expo (che non c'è)» raquinta en 10 etappas istorgias ed istorginas dal mintgadi tranter il nord ed il sid da las Alps.